

BATASUNAREN AURKAKO EKIMENAK. Bruselan prestatzen ari den «erakunde terroristen zerrenda» eztabaidatu zuten

Legebiltzarrak ez du testurik onartu Batasuna legez kanpo uzteko saioez

Legez besteko proposamena eta osoko zuzenketa atzera bota zituen Gasteizko ganberak

Ivan Santamaria | GASTEIZ

Europako Batasunean prestatzen ari den «erakunde terroristen zerrenda» Batasuna sartzeari buruz ez zuen inolako ebazpenik onartu atzo Eusko Legebiltzarraren osoko bilkurak. Batasunak berak legez besteko proposamena aurkeztu zuen. Alde batetik, EBk onartu nahi dituen neurriak gaitzesteko, eta, bestetik, Legebiltzarrak alderdiaren aurka egingo lituzkeen ekintzen inguruan ezadostasuna erakusteko. Testuak ez zuen gainontzeko alderdien babesik jaso; ondorioz, bertan behar geratu zen.

Jaurilaritza sostengatzen duten hiru alderdiek, berriz, osoko zuzenketa aurkeztu zioten lege besteko proposamenari. EAJk, EAK eta EB-IUk ez zuten aurrera ateratzerik izan, ordea, PPk, PSE-EEk eta Batasunak aurka bozkatu zutelako.

Zuzenketak EBk «terrorismoaren definizio bateratua eta bakarra» hartzeko beharra defenditzen zuen, eta indarkeriaren aurkako neurriek «printzipio demokratikoei eta oinarritzko eskubideei errespetua erakustea» eskatzen zuen. Azken puntuan, hauteskundeetara aurkeztu eta ordezkari batzuen alderdirik ezin dela «terroristatzat» jo argudiatzen zuen, «aurretik



MIREN SAEZ

Jone Goirizelaia Batasuneko legebiltzarkidea hizketan, atzoko bilkuran, Javier Balza ondoan duela.

epaileak legez kanpo utzi eta ekintza terroristetan zuzenean parte hartu duela frogatu arte».

Jone Goirizelaia Batasuneko legebiltzarkideak EBk onartutako terrorismoaren definizioa arbuiatu zuen, zerrendan «edozein talde» sar daitekeela uste baitu. Halaber, «terrorismoaren

aurka egiteko salbuespen egotira iraunkorra» martxan jarri nahi dutela salatu zuen.

EAJ, EA eta EB-IUko ordezkariak zilegitasuna ukatu zioten Batasunari, giza eskubideei buruz hitz egiteko. «Eskubide demokratikoen murrizketaren salaketa zuen aldetik etortzea, gu-

txienez zinismo ekintza bat da», Xabier Ormaetxea EAJko kidearen aburuz.

Elkarrenganako gaitzespenak

Edukian sartuta, segurtasuna eta askatasuna aurrez aurre jartzen duen eztabaida «faltzua» dela esan zuen Ormaetxeak, eta

ESANAK

JONE GOIRIZELAIA

(Batasuna)

«Edozein talde sar daiteke EBk onartu duen terrorismo definizioan»

XABIER ORMAETXEA

(EAJ)

«Ziurtasun moralak ez du balio. Horrekin gaur alderdi bat legez kanpo uzten dugu, eta bihar beste asko»

CARLOS URQUIJO

(PP)

«Batasuna urduri dago inpunitatearen garaia agortzen zaiolako»

JAVIER ROJO

(PSE-EE)

«Terrorismoarekin harremanik izan ez duten alderdiek ez dute beldurrik izan behar»

eskubideen muga bakarra judiziala izan behar duela aldarrikatu zuen.

Espainiako Gobernuari ere kritika egin zion EAJko legebiltzarkideak, eta talde politiko bat salatzeak asmoa «kalitate eskaseko demokraziaren erakusle» dela adierazi zuen. «Ez du balio gobernu baten ziurtasun moralak. Ziurtasunekin jotuz, gaur alderdi bat legez kanpo utz dezakegu, baina bihar beste asko».

PPk eta PSE-EEk, berriz, Europako erakundeetan zehazten ari diren ekimenentzat aldeko hitzak izan zituzten. Carlos Urquijo popularren legebiltzarkideak Batasunari «urduri egoitea» egotzi zion, «inpunitatearen garaia agortu baitzaio». Neurriak «arras demokratikoen» direla defenditu zuen, eta «terrorismoa deusezteko ezin bestekoak».

Jone Goirizelaia «hilketak eta bahiketak agindu dituztenekin eserita» zegoela salatu zuen Carlos Urquijok. Batasuneko erantzuten saiatu zen, baina Juan Maria Atutxa ganberako presidentek eragotzi zion.

PSE-EEko Javier Rojok, berriz, «terrorismoarekin zuzenean edo zeharka» harremanik ez duten alderdiek ez dutela neurrian aurrean «beldurrik izan behar» adierazi zuen.

NAFARROA

Sanzen adierazpen «aho beroak» gaitzetsi ditu Batasunak

Irene Arrizurieta / IRUÑEA. Batasunak Nafarroan jasotzen dituen diru laguntza bakarrak «Parlamentuan egiten duen lanagatik» direla esan zuen atzo Fernando Barrena Batasuneko legebiltzarkideak. Hala, PPk eta PSOEk proposatu eta UPNk eta PSNk indarrean jarri nahi dituzten neurriak «ezin» zaizkiela aplikatu erantsi zuen Barrenak.

Nafarroako presidente Miguel Sanzek «dudarik gabe» esan zuen Batasunari Nafarroan diru laguntzak kenduko zizkietela. Horiek, «dantzalekuko makarra baten adierazpen aho beroak» direla esan zuen Barrenak: «Gizartea gezurrezko planteamendu batera baldintzatu nahi dute».

Inori diru laguntzak kentzekotan, UPNri kentzeko eskatu zuen Batasuneko kideak: «Bere alderdian daude Del Burgoren



JOXE LACALLE

Pernando Barrena, atzo, Iruñean.

familiakoak, exekutore zuzenak eta milaka hilketaren justifikatzaile historikoak».

Sanz «PPren diskurtso faxistaren aitzindari» ageri dela erantsi zuen Barrenak, «euskal identitatea azaltzen duen ororen aurka». PPren eta Sanzen «jarrera erasokorra logikoa» dela uste du Barrenak, «Batasunak menpekotasunaren aurkako logika eta UPNren Franco ondorengo eskemaren aurkako jarrera agertzen baitu».

Bestalde, UPNko idazkari nagusi Alberto Catalan, Sanzek eginiko adierazpenen ildotik, Batasunari diru laguntzak kentzearen alde agertu zen atzo aukera: «Nafarroako eta Espainiako gizarteak eskatzen du». Neurriak «legeari egokitu» beharko zaizkiola esan zuen Catalanek, «zalantzarik ez sortzeko», eta erantsi neurri guztiak «egokiak» direla «ETAren terrorismoari eta bere ingurune politiko eta sozialari mugak jartzeko».

Batasunaren aurkako ekimena «alderdi demokratikoen batasunetik» bultzatu behar dela esan zuen UPNko idazkariak, eta aukera juridikoak aztertu beharko dituztela: «Lege araudiren bat moldatu behar bada, egin behar da. Hori da ETAren terrorismoa borrokatzen duten alderdiei egin diezaiokgun gutxieneko eskaera», esan zuen Catalanek.

Batasunaren aurka PPk eta PSOEk proposatu dituzten neurriak baino «haratago» joan badaiteke, Nafarroan hala egingo dutela adierazi zuen UPNko idazkari nagusiak.